

銅錫功德貨賣沽酒永嘉二年八月入觀中
擬揀銅像之次迷悶叫喚人皆聞之果見倒
在殿門之側道流扶於階上方能言曰某欲
取銅像偷賣見有金甲神將數人以戈向之
將欲斬刺乃叫乞命爾道流哀而捨之自此
風癩人皆惡見道士梅有方聞其所說為作
靈寶齋拜章懺謝眉鬚再生平復如故鵠感
此恩捨身為洞靈觀行者終身持經不復飲
酒年七十餘方死

道教靈驗記卷之四

道教靈驗記卷之五

卷之五

第四

廣成先生杜光庭

張仁表太一天尊

左街道士張仁表辨博多才應內殿講論連
機響答抗敵折衝莫能當之也而所履薄誕
未嘗有由衷之言及於儕友險躁詭妄人多
薄之因疾作逾月醫不能效夢為司命所攝
步卒騎吏就所居以捕之亦如世上之擒寇
索姦爾寬阻無所索來將去歷荒徑曠原皆
荆棘之地牽頓昇曳其速如飛水宵蕪棘肉
辟芒刺苦不可堪行可三十餘里遙見皇城
上有煙焰漸近視之乃鐵城也擁關衛門守
捍抗敵皆獸頭人身蛇臂之士或四口八目
或十臂九頭齒若霜雪牙如劍鋒真世之所
畫地獄狀也入門則珠宮瓊室玉樓金殿非
常目所親頌異於冥關之中行四五里一無
所親徐問所驅捕者此何處也與門外所見
不同或答曰此太一天尊宮耳過此方到本
司仁表聞太一之名忽記得平常講說之處

多勸人念太一救苦天尊今此乃天尊之宮
何可不念即高聲念太一救苦天尊十餘聲
牽頓者皆笑曰臨渴穿井事同噬臍胡可得
也既聞衆笑不阻其念更唱十餘聲其詞哀
楚其音悲切亦淚下沾衣如是忽有赤光照
其左右牽頓者一時捨去獨在光明之中顧
盼四方山川明媚雲物閑暇頃之天尊與侍
從十餘人現其前矣仁表禮謁悲咽叩得稽
顙述平生之過頓乞懺悔天尊坐五色蓮花
之座垂足二小蓮花中其下有五色獅子九
頭共捧其座口吐火焰繞天尊之身於火焰
中別有九色神光周身及頂光中鋒鏗外射
如千萬鎗劍之形覆七寶之蓋後有駕赤寶
花照耀八極真人力士金剛神王玉女玉童
充塞侍衛陰陽太一四十六神自領隊亦
侍左右雲車羽蓋徧滿空中天尊謂仁表曰
人之在生大慎三業十惡三業之中口過尤
甚一人妄說萬人妄行妄說之人首當其罪
汝之三業罪無不為吾不救護永淪幽苦汝
壽命已盡不當復還今救汝七年誘化於世

以吾此像廣示於人開引進之門為趨善之要宜免行之即使童子引還疾已瘳矣數日後以己之財帛於蕭明觀畫天尊之像索洛關外畿輔之間傳寫其本徧令開悟仁表因出城於春明門外見蒿棘之中如曾行之處視棘刺之末有所貫掛衣線紫綫及棘上微有血痕果是所追之夕經行其路七年而終

袁逢太一天尊像

袁逢峽中人也崇好至道嘗於仙都觀得太一天尊像焚修奉事所峽入蜀江波所激遂念太一救苦天尊百餘聲見赤光自水面亘天不知丈尺之度光中見天尊通身青衣良久乃隱波浪亦定舟舸無虞同侶云逢所乘之舟於潰潦中迴旋數匝眾疑傷損皆為驚焉忽有赤光照船乃安定眾人但見赤光之異及安靜之事不見天尊唯袁逢隨念得見爾

李邵太一天尊像

李邵者為葭州縣令云其妻已八九年素不在京國忽因祭選入京稅居於三洞觀側

客院之中偶見其家已婢自隣居而出熟視之果其婢小玉也以名呼之飲秬而至問其故即云某隨娘子在此已歲餘矣暫出買物遲巡即迴迴即與報娘子矣邵待之食頃方至買果實茶餅之屬奔馳還家良久延邵相見所居兩間自有庭除少許既見敘存設之事或泣或悲而頰今小玉看時節久之小玉報云來矣顏色憔悴語聲哽咽揖邵請去邵未出門有一少年獲蓋而入邵忽避避之小玉即引於簾後且立其妻出迎少年拜亦不顧擲蓋於地化為大雙水滿火起煙焰蓬勃少時即涕少年去大帽即牛頭神人也持又立於鏡前以又及其妻拋於鏡中號叫痛楚不久即爛骨肉分張尋亦火滅以又挑其骨排於庭中張蓋而去其妻身復舊蘇而徐起泣謂邵曰平生罪業合受三年今已一年餘矣每日如此痛苦難言邵見變化苦楚亦深自悲歎問其妻曰今既相見所須何物莫要作功德杖不妻曰適令小玉相邀全為功德相託爾此處隣里有受苦者畫太一天尊

一身便得免罪知之數月無託人處今得君來將有離苦之望矣邵於三洞觀中訪太一天尊之像殿上即有古本利落厚以金帛召良工畫之亦就觀設齋醮表祝只三日內事畢周畢躬自檢校無暇到妻所居功德既了方得往報見其所止已空屋耳留託隣母深荷太一功德已得解脫往生矣昨日辰巳間與小玉俱去也邵每勸人作太一天尊像其福報可以立待矣

孫靜真救苦天尊像

咸道庚寅歲海風翻浪漂浸江浙陷居人明越蘇杭尤甚水災既退因疫疾作馮所患之家十口不存一二至於無人瘞埋投尸於水浮泛江河中蛆穢累月孫靜真家兄弟精勤世奉救苦天尊香火其家五十餘口不為災癘所侵鄰外有莊戶三十餘家已數戶臥疾此疾既作親戚隣里不相往來靜真聞之於其家靜堂之內焚香祈祝以求保護是夕夢救苦天尊自堂中飛出冉冉乘空向西而去及明焚香之時已矣救苦天尊像數日

莊戶云某夜忽有異香光明似聞鐘磬之音
圍頭王立起出亭子中檢校見亭內如有燈
燭進前看之見有似人移閣子中立案當亭
子中間壁前案邊有救苦天尊幃前有香爐
灰火未滅光照亭內如燈燭之明疾患者一
十七戶皆聞香氣並見天尊執柳枝水碗到
其家水灑病人當夜一時平復不知此幃從
何而來驗是靜堂內飛去矣又有異香光明
之事遂於其莊設大齋謝恩置道堂畫像常
令人戶旦夕供奉刺史黎郁聞其微異助送
香花亦畫太一天尊像以修奉焉

啓靈觀天尊像

秦州啓靈觀者昔老君與尹喜特遺流沙駐
駕之所自天竺迴幽演大道亦栖止焉故其
地有伯陽川幽王之時老君猶居其處幽王
荒淫不可以佐道德尊大國人仰之號為伯
陽父古有祠宇國朝為啓靈觀山谷是遠自
相國高燕公為防禦使葺修之後久無人居
大寇犯關車駕在蜀避地僧三十餘人寓止
觀內晝則遊食村落夜宿其間欲壞天尊像

以其殿為禪堂聚議累日持疑未決一僧唱
言曰此是老君古跡但存老子一堂天尊主
塑去之有何不可率先毀其座忽有大黑蛇
現于座側長十餘丈吹毒噓氣逡巡曠累眾
乃奔走風雷隨之迸諾林野傷者四五人率
先者殞於山外節度使景端侍中聞之命工
增葺度道士張法相以居之巨蛇往往亦出
鄉里咸見之無所傷害焉

白鶴廟茅君像驗

茅山三茅君像即漢朝所塑也大茅君名盈
字叔申得道於華陽為司命君賜九錫文主
吳越生死之籍理金壇句曲之洞華陽之天
弟固及衷年已暮暮棄官尋兄亦皆得道居
于洞中每年三月十八日三君皆乘白鶴現
於三峯之上故有大茅峯中茅峯小茅峯焉
鄉里祠之置廟於山上號曰白鶴廟室宇塑
像已十餘年符驗光靈累代攸顯咸通中有
劉至孝者既冠之年喪其父母禮制雖畢而
不易其服不衣絲絲願終身麻衣而已其後
來往住廟中入道修奉勤瘁數年因修大殿

工人於殿前海石榴花下見物如桃以其服
月非有桃之時擊而無核葉之至孝聞桃香
取而食高味與桃無異是日晚又於前處得
物如拳外青綠內紅赤與前氣味無異又食
之明日又於舊處得物如掌而有五指背如
桃色掌中亦紅其香如桃味益珍美亦食之
自是不復飲食精修香燈超然有出世之志
殿宇既畢遂遊名嶽諸山雲水而去

合州慶林觀尊像驗

合州慶林觀多年推朽殿宇不修穿漏尤甚
雨滴太上尊容刺史楊師謨夢太上示見而
左目有淚痕乃巡謁諸觀朝禮功德至慶林
方驗尊像左目有漏滴之痕宛若垂淚因刻
薙荒蕪恢張制度創兩殿二樓重門邃宇壯
麗華威冠絕一時既畢復夢太上謂之曰子
以崇尊之功上簡玄府當作十郡矣其後師
謨累典符節日深涯恩凡一十一郡享壽九
十馮大中年間卒

蜀中唐興縣芝草天尊像

蜀中唐興縣天寶六年丁亥甘露鄉百姓解

隱忠地內柘樹之上忽然生芝草一莖自然
成天尊之像眉目鬚髮冠簪衣帔裙履手足
一一詳備圖績莫及時採訪使郭虛已夢唐
興之邑有雲物之異翌日果聞芝草之應命
縣令崔光遠入京進獻宣示中外編於史冊
隱忠度為大通觀道士賜名靈應光遠拜為
鴻臚丞賜之朱紱焉

唐興縣天尊現驗

唐興縣天寶七年戊子安樂郡人楊實家樹
上生靈芝亦成天尊之像形相周備而作金
色有惡人欲觸而除之雷雨大至晝日昏曠
益州命縣令立于遊詣闕上進宣示中外編
入國史子遊賜衣一襲絹三十匹楊實賜絹
三十四疋獨邑役焉

益州唐隆縣大通觀驗

益州唐隆縣大通觀晉義熙元年乙巳建至
後周末摧殘僅存基址武德中邑人白細因
過其地遇一道士赤青履自天而下示觀基
之內盤迴指畫良久昇天呂細與花仲良同
受其教即日共出金帛特造觀宇有紫微閣

高八十餘尺尤為宏壯太尉南康王肅葬再
加修飾焉其側有市城觀在縣西南八里有
石像天尊一十三身各高一丈三尺每至齋
月吉辰鐘或自鳴夜有神燈畫有仙人來往
遠近共知焉

梓州飛鳥白鴉觀驗

梓州飛鳥縣太陽山白鴉觀居鎮縣之間頗
有形勝有古跡鐵天尊一軀高丈餘古老相
傳甚彰靈驗道士許上善居焉光化中兩川
用軍所在土團聚結有景義全者糾率數千
人握眾頗與雄據縣邑暴橫彌甚僧徒欲毀
除觀宇因矯謂義全曰太陽山是此縣福地
全利鎮中緣有觀舍鐵像塵却罔朕此鎮無
由興盛若除得鐵像及觀明公即受符竹節
鉞世世榮貴可以立待矣景生庸愚吝毒聞
之欣然夜令節級數人殺許道士一家六七
口焚其屋室節級輩推壞天尊像堅然如山
勢不可動又懼免帥所怒以刀排之終莫能
損遂巡諸輩皆身手痛楚殆欲殞斃相與竊
議召白衣師醮謝祈乞復立舍宇供養此像

然後疾愈景生父子然朝廷授官亦不果赴
任竟以虎橫為梓帥平原公屠其家焉

道教靈驗記卷之五

五

九